



WEEK 3

Pagiging Mapagbigay

NOTES

This image shows a single sheet of white paper with horizontal blue or grey ruling lines. The lines are evenly spaced and run across the width of the page. There are no margins, text, or other markings on the paper.

WARM-UP

- Mahilig ka bang magbigay ng regalo sa mga taong mahal mo? Ano ang kadalasan mong ibinibigay?
- Ano ang isang bagay na gustong-gusto mong ibigay sa isang tao, subalit hindi mo pa kayang bilhin? Bakit mo ito gustong ibigay sa kanya?
- Ibahagi ang isang pagkakataon kung kailan may isang tao ay nagpakita ng kabaitan sa iyo ng hindi mo inaasahan. Ano ang iyong naging tugon sa kanya?

WORD

"Magbigay kayo, upang bigyan din kayo ng Diyos. Ibabalik sa inyo ng sobra-sobra at umaapaw ang ibibigay ninyo. Sapagkat kung paano kayo magbigay sa iba, ganoon din ang pagbibigay ng Diyos sa inyo." **LUCAS 6:38**

Ang pagiging mapagbigay ay nangangahulugan ng paggamit ng ating oras, pera, talento, at iba pang mga yaman na ibinigay ng Diyos upang tayo ay makatulong sa ibang tao. Gayunman, minsan ay mahirap magbigay. Sa mga pagkakataong ito, tayo ay dapat bumalik sa Salita ng Diyos. Tayo ay pinaalalahanan ng Bibliya na batid ng Diyos ang lahat ng ating mga pangangailangan at na Siya ay nangangalaga sa atin (Mateo 6:24-35). Sinabi din ni Apostol Paul na ibibigay sa atin ng Diyos ang lahat ng ating mga pangangailangan kung tayo ay bukas-palad na magbibigay sa iba (Mga Taga-Filipos 4:19). Ang pinakasukdulang halimbawa ng pagiging mapagbigay ng Diyos ay ang pagbigay Niya sa atin kay Jesu-Kristo. Nang ating matanggap ang kaligtasan mula kay Jesus, atin ding natanggap ang libreng handog na buhay na walang hanggan. Ang kamalayan ng ating masagang pagpapala kay Jesus ay nagbubunga ng buhay na mapagbigay. Sa araling ito, ating aaralin kung paano natin magagawang maging mapagbigay sa ibang tao.

1 Magbigay ng bukas-palad.

Tandaan ninyo ito: Ang naghahasik ng kaunti ay umaani ng kaunti at ang naghahasik ng marami ay umaani ng marami. **2 CORINTO 9:6**

Ipinapangako ng Bibliya ang mga gantimpala at pagpapala sa ating pagiging mapagbigay—batay sa sukat na ating ginagamit sa ating pagbibigay. Habang lalo tayong nagiging mapagbigay, lalong dumarami ang ating aanihin. Bakit minsan ay mahirap ang maging mapagbigay? Bakit mahirap magbigay kung hindi natin nakikita ang Diyos bilang siyang pinagmumulan ng lahat?

2 Magbigay ng malaya sa kalooban.

Ang bawat isa sa inyo ay magbigay ng ayon sa sariling kapasyahan, nang walang pag-aatubili, at hindi sapilitan . . . 2 CORINTO 9:7

Kaya natin magbigay ng malaya sa ating kalooban dahil tayo ay malayang nakatanggap—ng pag-ibig, awa, at pagpapala ng Diyos. Sa ating pagtitiwala sa Diyos para sa Kanyang paglalaan, tayo ay maaaring magbigay ng may kalayaan, ng may kagalakan at katapatan sa ating mga puso. Hindi natin dapat katakutan ang kakulangan dahil pinararangan ng Diyos ang ating pagbibigay sa pamamagitan ng pagbibigay ng kasaganaan at pagpapala sa atin (Mga Kawikaan 11:25). Bakit tayo hindi dapat magbigay ng may pag-aalinlangan o kaya ay tila napipilitan?

.....

.....

.....

.....

3 Magbigay ng may kagalakan.

Ang bawat isa sa inyo ay magbigay ng ayon sa sariling kapasyahan, nang walang pag-aatubili, at hindi sapilitan, dahil mahal ng Diyos ang mga nagbibigay nang may kagalakan. 2 CORINTO 9:7

Tayo ay dapat magbigay ng may kagalakan at kasiyahan. Ang pagbibigay ng may kagalakan ay nangangahulugan na tayo ay nasisiyahan sa paglalaan ng Diyos sa ating mga pangangailangan kung kaya't kaya nating magbahagi sa iba ng walang pag-aalinlangan. Ito ay ikinalulugod ng Diyos at ito ang paraan ng pagbibigay ng gusto Niyang gawin natin. Ano ang anyo ng isang taong nagbibigay nang may pag-aalinlangan? Bakit ito hindi gusto ng Diyos?

.....

.....

.....

APPLICATION

- Nagtitiwala ka ba na kaya ng Diyos paglaanan ang lahat ng iyong mga pangangailangan? Ano ang mga maaari mong gawin itong linggo upang lumago sa iyong pang-unawa at pagkalugod sa Kanya bilang iyong tagapaglaan?
- Ikaw ba ay malugod na nagbibigay? Paano mo maisasapamuhay ang iyong mga natutunan ngayon? Kanino ka maaaring maging mapagbigay itong linggo?
- Paano mo magagawang magbigay ng bukas palad? Ano ang isang bagay na maaari mong gawin upang lumago sa espirituwal na disiplina ng pagbibigay?

PRAYER

- Pasalamatang ang Diyos sa Kanyang kakayahan na ibinigay sa atin upang makilala Siya at pagkitaan ang ating mga sarili.
- Ipanalangin na ikaw ay lumago sa espirituwal na disiplina ng pagbibigay. Hingin sa Diyos na ikaw ay pagpalain upang ikaw ay maging isang pagpapala.
- Ipanalangin na iyong malaman kung kanino ka dapat magbigay. Ipanalangin na ang Diyos ay maparangalan at mapagpurihan sa tuwing ikaw ay mabibigay.



VICTORY

© 2015 by VICTORY®
Reserbado ang lahat ng karapatang pag-aari.

Lahat ng sipi ay mula sa ANG SALITA NG DIOS®
Karapatang Pag-aari © 2010 ng Biblica® Ginamit na may pahintulot
mula sa Biblica Publishing & Distribution Foundation, Inc.® Reserbado ang lahat ng pag-aari.
victory.org.ph